

石村貞一
編輯
續
皇朝史略

順岡第一師範學校
(學校圖書)

登錄第	號
歷史科	門
日本史	部
皇朝史略	總目次
全冊	冊
分類第	號
210-08	

T1A1
26
A 58

石村貞一纂輯

續續皇朝史略

大阪書林

文敬堂梓

續皇朝史略序



王代尚矣。自武人代宰天下。而
源氏三世。北條九代。以至足利
十三。及織豐二氏。凡六七百
年間。雖時有小康。概皆禍亂相

續文獻通考
卷一百一十五
尋。干戈騷擾。民無所安息焉。獨
德川氏自戡定大難。以開太平
之運。傳世十五代。歷年二百五
十年。海寓靜寧。上下晏然。雖上
古神聖之世。恐未有如此之盛

且久者也。故德川氏而無一代
之史。洵為闕典矣。余嘗欲徬佐
佐十竹之利將軍傳。作德川一
代記。以其引用乏書。且老懶日
加。故不能果也。今觀此篇。始於


後陽成天皇慶長六年。訖於光
格天皇文化十三年。名雖曰續
續史略。其實皆係德川氏事。是
可以為一代底本者矣。故余曰
書肆之請。為加刪定。校而授之。

抑余有所憾焉。顧德川氏既已
解幕職。然文武遺臣尚多。方今
何等時。非思報國恩。獨唯文章
之會乎。然則所謂麾下八萬之
士。豈無有一人立志於筆削以

報二百五十年撫育之恩者也
我老朽妄願日公而望之。

明治七年甲戌四月

大槻磐翁識



續續皇朝史略卷之一

陸前 磐溪大槻清崇刪定

長門 桐陰石村貞一纂輯

慶長六年春正月朔後陽成天皇罷四方拜御不殿
日記補

任○內大臣源家康在大阪西城中納言源秀忠在

外城入見權中納言豐臣秀賴於牙城列候大臣亦

入西城賀正初關原戰後天下之權悉歸家康於是

以關東八州為根據之地號令四方以越前尾張近

江伊勢封宗達舊臣為內藩其餘盡為外藩又令諸

冒豐臣氏老_後本姓而秀賴唯食攝津河內和泉
七十六萬石而已續王代覽○關白藤原兼孝嚴左大

臣以前左大臣藤原信尹任之補○三月伏見城成

家康徙焉○夏五月安南國都元帥瑞國公上書及

方物外蕃通書○是月家康奏增供御之地及廷臣食邑

給豐國廟以一萬石其他寺祠皆給田以板倉勝重

為京師所司代落穗集逸史○六月使列侯移築大津城

於栗津○秋八月使關西諸侯修銅駝坊第號曰二

條城實錄逸史○是歲石見礦出黃金佐渡亦出黃金白

銀因造貨幣謂之慶長金通用事畧舊章錄○七年春正月

家康陞從一位秀賴秀忠並進正二位補任御年譜○二

月行踏歌節補任御年譜○三月家康往大坂賀正後以為常

議藤原光豐左少辨藤原總光右少辨藤原資俊莅

焉本多正純掌其事一本額覽○秋七月修藏法講於

宮中○冬十一月家康置伏見城番一本譜畧十二月方

廣寺大佛火時慶記梵辭記○是歲交趾商舶來長崎貢虎

象孔雀家康詔見而納他物逸史○八年春正月古大

臣藤原晴季公實○二月詔以家康為征夷大將軍

進右大臣大納言藤原兼勝參議藤原光豐就伏見

拜焉親戚將吏叙任甚眾補仕落穗集家康入朝拜命公

卿牧伯盡詣二條城賀之言行錄○夏四月秀賴為內大

臣時年十一補仕時慶記○六月秀忠使夫人淺井氏携

女赴京師結婚於秀賴○秋七月大久保忠隣送女

於大阪守桐且元送之黑田長政堀尾忠氏以弓銃

手三百警衛焉女甫上歲稱千代姬續一覽○冬

十月家康辭右大臣補仕封德川賴宜於常陸水戶賴

宜家康第九子也○朝鮮使孫文或至對馬先是家

康欲與朝鮮和令宗義智掌其事至此文或來問其

實否且請還其俘囚一本續覽○九年春二月家康命

東北三道定道程植堦樹以三十六丁為一里既而

西南四道皆倂之盖用織田氏故法也落穗集○秋八

月行豐國祠臨時祭御浴殿口記○冬十一月藤原兼孝

辭關白補仕○十二月為正親町帝十三忌辰修法華

八講於宮中延曆寺僧遽辭不至乃命園城寺僧修

之五日御浴殿口記○宗義智携朝鮮使孫文或及僧惟政

入京館大德寺○是秋淺井氏生子家光家康名以

其幼字曰竹千代一本續○十年春正月朔帝不豫

廢四方拜及諸節會○二月家康入京師見孫文成

令諸道檢韓俘與之謂義智曰吾老矣後來貢使致

之江戸且曰吾將舉鎌倉禮使秀忠拜賀期已在近

汝宜使韓人觀其儀也乃賞義智以肥前田二千石

殊卿事畧○三月秀忠率東國諸侯西上榊原康政

為前驅鳥井忠政為後距陪從十萬餘人先入伏見

遂入朝一本續○夏四月家康辭將軍秀忠為內大

臣補大將軍入朝拜命東諸侯及前田毛利島津諸

氏皆從自是世卿家康曰大御所補仕梵○秀賴為

右大臣實錄○五月家康諷高堂夫人使秀賴求見

淀君不欲母子相離且恐其有變固辭不遣○六月

秀忠歸江戸○秋七月左大臣藤原信尹為關白補仕

實錄○冬十月家康歸江戸○十一月淺間嶽焚踰月

而燬逸史○十二月東海溢一夜中生大島御年譜舊

代畧記首○是年始種烟草逸史○十一年春正月家

康令諸侯修拓皇宮十三朝○三月大修江戸城使

紀聞

藤堂高虎率池田福嶋加藤黑田淺野細川等十五
侯助工是月家康入京師將老駿府相地而行御年譜述

史○夏五月高臺夫人建寺於東山以祈秀吉冥福

福嶋正則加藤清正董役既成名曰高臺寺墓碑銘○

秋九月江戸城成樓閣宏壯稱天下第一家康賞高

虎功以備中地萬石是月使島津忠恒冒松平氏且

賜偏諱改名家久自是諸侯有勲勞者多徇之續一本

○詔陞參河大樹寺準勅額寺逸史○權大納言藤

原信房為內大臣冬十一月遷左大臣關白信尹罷

信房代之補付實錄信房關白晴良次子而為忠冬嗣也

○十二月禁永樂錢初自足利氏管山東多用永

樂錢於是命以鑄錢四換永樂錢一遂專用鑄錢盧草

筆談北條五代記○十二年春正月秀賴辭右大臣藤原忠

榮代之忠榮植通之子也補任○家康課東海道及關

西諸侯城於駿府年譜○夏四月多武峯大職冠藤原

公像自壞梵書日記○五月宗義智携朝鮮使至江

戶獻書及方物又至駿府謁家康自是永為屬國每

將軍禪代必一米一本續○秋七月駿府城成家康

徙焉

太平年表

○冬十二月駿府城火

言行錄

○所司代板

倉勝重使工匠大和等修宮殿徙前關白昭實第於

他以增修新上東門院殿

孝亮記

○十三年春正月朔

日有食之

楚辭日記

○家康課諸侯再築駿府

逸史

○二月

行內侍所神樂祈秀賴疾

御治殿日記

先是秀賴患痘福

島正則自安藝馳至日夜看護以至瘡

史野

○三月駿

府城成家康復徙焉

年表

○秋八月天皇遣廷臣至駿

府賀落成秀賴亦使人賀之諸侯相繼至駿府賀焉

○冬十二月家康開經筵以林信勝為講師

言行錄

○關白信房罷以右大臣忠榮代之

御治殿日記補任

○十

四年春二月日蓮宗與淨土宗論宗義於江戶日蓮

之徒在輦下者結黨騷擾執其魁常樂寺殉自一條

至六條磧剗刑放之

孝亮記

○夏四月天皇不豫

楚辭日記

○秋七月斷文臣及宮女罪於關白忠榮第先是侍

從教利參議光廣左近衛中將賴國左近衛少將忠

長及雅賢宗勝宗信實久兼保亨陸與宮女媼蝶醜

態稍露於是鞠問得其實天皇大怒欲處極刑命家

康治之家康奏曰宮壺不嚴帷簿不修其風有由來

矣今遽措之嚴刑恐傷陛下含容之德願誅首罪餘皆流竄許之

孝亮記御浴殿日記逸史

○先是島津家久奉令招

琉球不至請往而討之遂遣其將新納一氏南伐擘山久高以艤艘百艘先發抵東求島島虜能拒之久高放銃奮擊虜敗走追獲二百人進至運天港諸軍繼之攻難巴津虜以鐵鎖扼津口列巨煩守之津傍有山險多蛇蝎虜恃不置戎我軍放火楮山而上遂取要溪灘至千里山戎將陳文碩孟龜靈等走轉攻甬築城戰三日拔之斬虜數百人琉球王尚寧使其

弟具志乞降不許五戰至國都尚寧面縛出降擒王

子大臣數十人嚴禁抄略安撫國民置戍而歸出兵

六旬琉球悉平家久報駿府家康以琉球與家久永

為隸屬分其租稅之半以授尚寧

藩翰譜琉球征伐記

○八月

伊勢兩宮成巫祝爭遷宮前後各引舊典訴之勅使

家康決之九月奉幣於大廟先遣皇大神宮正殿後

奉豐受大神於正殿自天正壬午歲改造兩宮二十

五年於茲矣於是以二十一年為改造之期定為永

典

神鏡記談御浴殿日記

○冬十月竊宗信賴國於硫黃島忠

長雅賢宗勝於隱岐伊豆及蝦夷宮女於八丈島削

光廣實久藉斬教利於常禪寺戮無保於東河原孝

記○逸史新流○家康賜書紅毛人許每歲來平戶

互市實錄○是歲家康使諸侯質妻子於江戶其在

郊第國都隔年交代署為永利且禁西諸侯造戰艦

史野○十五年春正月秀賴遣伊東長實於駿府賀正

後以為常大野治房薄田兼相速水時之等代赴焉

史逸○二月天皇詔豫期三月讓位命諸司設儀衛板

倉勝重私奏曰將軍亡女愁歎殊甚請以延期天皇

弗憚孝亮○三月家康令諸侯城名護屋言行錄○夏

六月秀賴再興芳廣寺以序桐且元董後史逸○秋七

月家康賜書廣東商舶曰汝等來我邦宜任意互市

若有盜盜者我即戮之通書引長崎日記○冬十月禁喫烟

草○十二月家康賜印章於明人周性如曰應天府

周性如商舶入我邦者雖漂着他津護衛而送之長

崎汝邦人須辨知焉貴久記○親王政仁加冠於小御

所紹運續錄○十六年春二月將有立太子之儀有事遂

傳之孝亮記○三月權大納言藤原信尚為內大臣信

尚信房子

補任

○家康如京師先是朝旨欲以家康為太政大臣辭不拜賜菊桐章亦不受奏請祿祖考乃

追贈源義重鎮守府將軍源廣忠大納言

御年譜參松傳

家康使織田長益謂秀賴曰自結婚未相見恐生物

議願一來以定衆情浚君不欲如藤清正淺野幸長

曰臣輩以死守郎君必無患矣乃遣秀賴幸長清正

從之家康使義直賴宣郊勞享之二條城饗畢幸長

清正扶秀賴出謁高臺夫人拜豐國廟而還

難波軍記續上

代

○天皇讓位於親王政仁

補任

在位二十五年

改元者二曰文錄曰慶長親王立是為後水尾天皇

後水尾天皇諱政仁後陽成帝第三子也母中和門

院慶長五年為親王至此受禪時年十六仍用慶長

年號

楚辭日記神

○夏四月復藤原光廣藤原實久

籍

孝亮

○奉幣於大廟告嗣位

紀聞

○尊先帝曰太上

天皇

通代

○上皇聽政於院中

續王代

○家康入朝

賀即位

紀聞

○義直賴宣至大阪郊秀賴址上也

難波軍記

○五月家康使諸侯修上皇宮多置供御之田又檢

御府所亡失秘書寶器流傳於世間者獻之

國史實錄

○六月加藤清正卒年五十子忠廣嗣一本續○秋

七月關白左大臣內基薨補○先是我賞舶至阿媽

港者三百人皆為所殺唯三人逃歸告變其後港商

二百人至長崎家康使奉行長谷川廣智擊殲之八

月其酋東魯訥來謝乃給印信許互市逸○九月京

師人田中莊助上言曰臣聞海東八九十里有國曰

新伊斯把爾亞多產黃白金請往試之乃遣之至

是歸獻五色羅紗蒲桃酒等言行錄○天正中豐臣氏

禁耶蘇教既而禁弛至是蠻人耶揚子上言曰倡蠻

教者皆覬覦非望家康乃檢蠻人在我邦者盡逐之

我民奉其教者命南禪寺僧崇傳諭之其不改悟者

處流斬置耶揚子於江戶東郭厚遇之崎陽拾芥野史○先

是京師豪商角倉貞順鑿高瀨川達伏見至此功成

首漕大内木石民皆感其無私言行錄逸史○冬十二月

家康鑿江戶諸港以便漕運野史○琉球來聘○卧亞

來貢御年譜舊章錄○明國及諸蕃請通商者甚多家康乃

下令以長崎為互市場禁他津碇泊使奉行廣智管

轄之又使賈人庄三郎主貿易務阜民財逸史○十七

年春正月天皇在別館輟元會孝亮記○三月關白右

大臣忠榮為左大臣內大臣信尚為右大臣○夏四

月權大納言信尋為內大臣補○五月太政大臣前

文薨梵○六月秀忠關武藏野為市廛徙京師大

阪及東豪商實之史○左大臣忠榮辭關白以右大

臣信尚補之補○是月南都大風春日祠樹折祠人

驚以奏之朝議以為凶兆遣使於駿府諮家康家康

曰喪亂之後祠宇頽敗是神欲以此材改修也乃以

穀二萬石供改造之費更考典故以修造之則准伊

勢人廟實錄年譜○秋九月明鄭芝龍歸化詣駿府獻

藥物史○冬十二月以皇弟好仁為親王親王上皇

第七子也孝亮記○十八年春正月家康命三十七諸

侯修皇宮寶錄○家康使秀賴加戶桐且元大野治長

祿各五千石於是旦元與木村重成薄田兼相及七

隊長以秀吉遺命保護秀賴而治長者淀君乳母子

織田長益淀君季父也以故皆見親信寢興且元相

軋秀賴事記○二月大久保長安有罪適疾死檢其家有

蠻教書遂誅其七子石川康長及其二弟皆奪其邑

紀
家康定文臣法五條御年譜○冬十一月皇宮成

十二月天皇遷御焉○是歲漢人刺亞始至平戶交

易十年而止舊章錄殊事畧○崎陽拾芥作十七年八貢○十九年春正

月以關白右大臣信尚為左大臣內大臣信尋為右

大臣權大納言實益為內大臣補任系圖○二月彗星見

東方是日大阪天主閣黑氣起衝天狀如狼烟衆過

救則無有秀賴命韓人李文長筮之不吉沒君秀賴

皆懼乃用幣於巨祠名刹并禳彗星○秀賴既長群

臣欲挾以復舊業大野治長渡邊胤等為謀首竊散

金帛募士所司代板倉勝重規知之以報駿府秀賴事記

難波軍記同○三月秀忠任右大臣補任○家康下令

天下遺書又名精典故者若干人修朝廷舊章

獻之京師並定江戶及列國縣邑制度以行之基業

駿府記○秀賴鑄方廣寺鐘成使東福寺僧清韓銘之

○權大納言藤原兼勝至駿府以內旨諭家康為太

政大臣准三后固辭諭納孫女和子為中宮乃拜命

逸史○秋七月方廣寺成秀賴將親往洛焉遣行桐且

元告之駿府家康戒以大將軍賴朝落東大寺故事

及期公卿以下皆會縱四方民觀之會家康讀鐘銘至國家安康之句怒曰是斷截我名也序又有大小釋迦迭為主伴之語益怒曰是咒詛我也秀賴何為至於此乎召林信勝僧天海問之皆曰大阪久貯糧穀召募亡命其意不可測也廠下其戒之乃馳駟命板倉勝重詰其文意且停會儀且元曰是奉行之罪非右府所知也今大儀將成衆人已聚而遽停之恐驚民耳目願畢禮然後毀滅銘文甘心伏誅未晚也勝重曰是成詛也遂停會儀物情騷然且元詰清韓

曰偶然及此耳乃使清韓赴駿府辨之家康令板倉

重昌咨五山僧徒僧徒多證其詛遂囚清韓送於京

師淀君使且元及弟貞隆大野治長往謝且元等至

鞠子驛拒而不入

德川記秀賴事記大阪記

○家康令貞隆治長

還獨召且元詰問之且元陳謝甚力治君又使婢大

藏及正榮赴謝家康厚饗之二媼曰韓長老過失殿

下恕之使右府母子安寢食焉家康曰無傷也右府

既為我女督淀氏亦與我婦姊妹其無異志可知也

然姦倭生釁物情煽動是雖下臣所為而右府何以

明其無他卿等還而言之二媼大悅而歸

逸史東選其葉大阪

記

○九月家康使本多正純僧天海謂且元曰大阪

諸臣蓄異心以圖不軌是反禍右府也我之不亡猶且如此何以保後年之無他乎汝歸而圖之且元曰是臣非所能及也願承大命正純不聽且元乃倍日兼行及二媼於土山驛且元謂之曰東命有深意我竊揣之必出於三策矣避大阪徙他是下策也右府托姻婭東行是中策也汝君東與姊氏同居是上策也東肯必不外乎此我歸將固請焉二媼相視不答

退曰太翁語意溫厚不必至如此是序祠欲實右府

以為切也兼程先歸具言汝君且元已還所言不聽

遂舉族奔其邑茨木

德川記難波軍記戰記

○紅毛人來駿府

獻方物及虎二頭

通書逸史

○是秋庶民着異服繫絲絹

於竹竿唱歌舞行始自伊勢漸及諸州名曰伊勢舞

孝亮記梵舜日記神社考作是夏

○冬十月秀賴令赤座直規榎島

重利率兵三千畧堺浦先是秀賴移檄四方募士諸

州亡命爭先來聚城中步騎至六萬人然列侯大臣

無一至者治長賜言曰雖諸侯不至通款於我者多

矣東軍雖衆不足慮也遂修守備淀君亦作娘子軍躬自探甲跨馬巡視諸營戰難記○家康以藤堂高虎為先鋒親將中軍東海諸侯從之秀忠督關東及與羽兵繼之井伊直孝攝軍而行逸○十一月藤堂高虎本多忠政次大仙陵松平忠平軍於飯盛德川淺野長晟軍於勝間大阪秀忠兵五十萬次牧方家康發京師軍於住吉秀忠進軍於平野洛穂佐竹義宣上杉景勝本多忠朝自鷓野前田利常自玉造松平忠直繼之蜂須賀至鎮自今宮池田利隆池田忠繼

京極忠高自牧方進入備前島大阪○城將謀議不一互生嫌疑遂以其部下出城者衆矢野正倫築寨於今福飯田家貞聖於蒲生井上頼次屯於鷓野以拒東軍○蜂須賀至鎮襲藏多崎守將明石全延戰敗而走池田利隆淺野長晟擊福島新家九鬼嘉隆宵奪軍艦守兵死之○上杉景勝攻鷓野井上頼次渡邊胤等拒戰頼次死之衆潰入城景勝截大和川西岸植柵設銃七隊長及治長等率萬餘騎擊景勝奪其外柵東兵發銃齊進城兵死者數十人○佐竹

義宣攻今福守將矢野正倫飯田家貞死之義宣前
入市町城將木村重成後藤基次聞急馳至重成奮
戰躬冒矢石指揮士卒令一銃手徑水田橫擊基次
亦泛舸於澤中放銃擊義宣義宣敗走今福渡邊亂
躡之義宣殊死戰會堀尾忠晴丹羽長重來援重成
遂救兵而還德川記秀賴事記大阪記難波軍記戰記碑玉話逸史○天皇遣
使江戶營慰勞家康秀忠御年譜○城兵議曰諸砦失
守敵兵稍迫且撤天滿船塲戍戮力本城也乃遣基
次燔塞救兵基次伏壯士誠曰備兵必先至矣汝等

擊之勿失池田忠繼望烟將馳其老花房職之諫之
伏兵無功而歸基次曰是花房止之也大阪記逸史○十
二月越前先鋒本多富正引兵而進會朝霧四塞城
中失火富正謂城中有內應者急攻之井伊直孝前
田利長薄偃月城真田幸村善柅利長不利而退田利長
日記秀賴事記○家康徙營於茶臼山秀忠徙於岡山今毛
利秀就福島正勝以土豚壅淀川於長柄大和川於
鳥飼數日而外渰皆涸諸軍起煙樓瞰城中家康令
諸軍放銃鼓躁者三夜城中震駭又令諸軍射書城

上曰降者有賞於是人人疑懼

難波軍記逸史

○家康欲議

和弭兵令本多正純昭書城中又使賈人光次往請和秀賴會諸將議之後藤基次進曰外無應者而內有貳者以有貳之兵守無援之城城內糧仗雖多不足恃也不若速講和以為後圖秀賴不聽織田長益大野治長入說汶石曰敵已迫矣危在旦夕而彼唱和是天祚我也家康已耄彼而死東方當一舉而定矣今收兵為後圖洵為上策汶君以為然令秀賴決之遂使人依本多正純以成和家康約曰撤外壘填

周池否則可徙於郡山焉家康秀忠巡視至天滿城

中望旂幟將發大頭基次止之曰九不達矣且二將

所謂天授無自速

也

難波戰記事

○秀賴使人報家康

曰撤壘填池謹聽令矣敢請為客兵加食邑家康作

色曰客兵我仇也釋之恩已多矣何與采邑以養之

遂逐使者及晡使復至曰願避城徙封易攝河泉以

阿讚豫家康曰易以房及二總汶君不欲東議乃止

難波軍記逸史○家康嘗令真田幸村叔父信尹招幸村幸

村謝曰見危舍義丈夫所不為也於是城中訛言基

次幸村皆有貳心衆心益動真田記○天皇遣使事記詔

旨於家康曰卿以耄耋冒風雪蒞戎事予一人以憂

之宜還於京師以休息焉天使私之曰即欲和議諭

秀賴成之如何家康誓首曰軍旅臣之職至和議臣

自能修之不以勞聖慮敢辭秀賴事記○淀君登天

主閣以眺東軍營壘四起旌旗翬空淀君大驚十三朝記

聞會備前嶋軍發大煩中閣第二層楹椳摧折侍婢

壘粉淀君震怖而下急召長益治長議和落穗集秀賴事記

秀賴不聽曰吾固以此城為死所也何和之焉秀賴事記

先是家康令女監阿茶如京師迎京極高次母常光

院常光院淀君之姊也是日常光院入城諭秀賴秀

賴不得已而和焉治穗集明日長益治長出子為質

秀賴使木村重成出蒞誓家康使板倉重昌入蒞誓

諸軍皆撤圍乃發卒填塹本多正純成瀬正成安藤

直次董之家康還於京師德川記○初家康之入京

也命林信勝僧崇傳求公卿庶尹記籍令曰今日秋

而不出者皆廢為故紙於是遺書多出乃使五六僧

五十人開局謄鈔家康上書請假御書上皇發和府

授之至此騰成納其一於御府史○家康入朝皇

及上皇慰籍甚篤○家康奏曰朝廷典議廢弛已久

請按舊籍以補闕漏集落穗於是釐正白馬踏歌節會

及准后親王爵祿著為永制大改記秀賴事○元和元年

春正月家康發京師歸於駿府諸侯皆罷就國○役

夫已隋羅城堙空濠遂及內湟治長大愕馳見正成

曰所約止於外郭漸壘何見迫之甚正成曰我唯聞

填周池之命未聞有內外之別也且天下已平何用

濠壘如欲存之豈無異志哉治長不能對而去正成

益發役夫日夜督責漸壘悉夷所存唯牙城一湟而

已○二月秀賴潛傳檄募兵曰大阪金城也去歲之

冬圍以天下兵猶不能拔焉先公威靈之赫亦可以

見也今欲再舉以圖恢復有志之士宜來而輔我之

不逮也於是四方士復稍聚江戶人小幡景憲有罪

亡命大野治房欲用之景憲陰與板倉勝重松平定

勝約而往治房告以密計景憲因勝重定勝以通駿

府於是大阪事情悉洩而秀賴小之知也史○三月秀

賴遣青木一重及姆大藏尼正榮於駿府請贖君臣

時德川義直將娶淺野氏家康曰尾州督期在近也
山東婦女不習禮節汝等往監焉督畢則吾西以
議其所請女使遂如尾張義直家康第七子也

落德集逸

史秀賴又遣伊東長實伺關東事情亦不歸眾情疑

懼難波軍記秀賴謂幸村基次曰嚮雖與江戸講和

事勢今如此不可徒止也然我如冲未熟弓馬之道

若及死期而躊躇卿等其扶翼之莫使貽汚名於後

世也秀賴親巡視城內秀賴事記兵士令新舊僅十五萬

人逸史○家康召諸道兵令秀忠部分之松平忠輝不

喜處守黑田長政加藤嘉明亦請從皆許之時京師

訛言大阪之人火京師以為戰地物情騷然所司代

板倉勝重以告家康乃使井伊直孝本多忠政藤堂

高虎松平忠明屯東寺及淀以護衛京師訛言乃止

秀賴事記逸史○夏四月大野治房率兵五千入大和燔法

隆寺侵掠郡山城將筒井定慶走松倉重政以兵五

百備之治房不戰而退重政尾擊殺十餘人

難波軍記

○家康至名護屋召大阪之使曰余聞右府復聚兵盟

血未乾何失信之甚也余欲觀兵以問其罪遂遣常

光院於大阪諭秀賴以避大阪徙於他則聽其所請
宓君欲許之秀賴作色曰弓馬之事非婦女子所議
也秀賴事記於是城中大議戰備真田幸村曰城壁不完

柵池不整而侯伯無一人送款者坐受大兵非謀也
請速入京師挾天子以彌令四方長曾我部盛親後
藤基次皆贊之秀賴弗聽增田長盛曰此城三面帶
水而南為平原東軍之來必自南矣臣等率精兵直
衝其中堅天若昨於我必勝矣議決乃柵於羅城故
址繫舊舊二尺許設二重墉以為固○家康至京師

常光院及命又使賈人光次如大阪講和不應○秀

賴使後藤基次於道明寺真田幸村於平野其子幸

昌及族信連於天王寺木村重成於若江長曾我部

盛親於八尾久寶寺薄田兼相於大和口植島重宗

井上時利北川宣勝等於山造御宿正倫多田滿範

大谷吉胤渡邊胤森勝永石川數矩福島正守於茶

臼山大野治長於岡山以防東軍堀田勝喜速水時

之真野賴包野野村雅春中村氏種為游軍波軍記

大野道見畧近邑縱火於畧浦會東將九鬼守隆

向井忠隆等至道見急收兵却

大坂記

○家康令石

井忠總守高槻池田利隆松平忠繼叱尾寄山陽山

陰兵自神崎南海兵自和泉松平忠輝自大和口仙

臺及大和伊勢美濃諸軍隸之上杉景勝次男山護

京師於是先鋒藤堂高虎自淀井伊直孝自伏見柳

原康勝本多忠朝自竹田皆入河內○大野治長塙

直之淡輪重政岡部則綱率兵三千至和泉與東將

淺野長晟戰於樫井而敗直之死之治長適在佐野

聞急赴援不及而還

難波軍記

○五月五日家康秀

忠發京師令曰諸軍齎三日糧○後藤基次曰敵已

迫矣諸君宜為之備率所部南出夜半過平野失途

至古市曰前有一帶水後有譽田林宜留戰於此黎

明登片山放銃走東將松倉重政會堀直寄來援重

政及戰城將薄田兼相渡邊糺援之水野勝成丹羽

氏澄亦來援戰敗未決本多忠政松平忠明及仙臺

片倉景綱來擊基次基次盡亡其衆從騎僅十一人

遣人謂魚相曰吾子努力我將死也裏創復進中銃

墮馬從者扶而退至柏原死魚相奮鬪死之糺馳人

謂真田幸村曰我創衆死不能支也子急繼之幸村乃與大谷吉胤大野治長等赴援兵凡二萬五千勢復振陸奧兵長騎戰幸村知之登譽田東岡隔林而軍待敵來逼執槍沮之騎不能進幸村轉登南岡與亂拔兵更嚴而退治長與美濃尾張兵戰大敗吉胤死之德川記秀賴事記木村重成在若江與井伊直孝戰亦死之長曾我部盛親擊勝堂高虎破之進至矢尾塙高虎直孝合兵來迫盛親敗退盛親之出也步騎五千及還僅餘數騎德川記秀賴事記○城中諸將相

議曰今日之敗以諸軍失期也詎曰悉銳南出

舉以決雌雄幸村曰善乃啓秀賴曰明石掃部屯船塙而敵兵未迫也臣與諸將軍茶臼山以誘敵掃部從今宮林徑出敵背舉烟為號與臣夾擊之而主公以中軍繼之則事必可成矣秀賴從之逸史○明且幸村軍茶臼山渡邊糺福島正守為先鋒江原石見楨島重利軍天王寺郡良列野野村雅春軍勝曼院森勝永軍庚申堂大野治長軍昆沙門池津川親冬執金部馬標軍岡山大野治房新宮行朝護其左右○

松平忠直攻茶臼山本多忠政松平忠明援之前田

利光攻岡山本多康俊遠藤常利援之家康秀忠率

諸軍從之武德大成記○治長巡視至茶臼山幸村

迎曰敵已迫而牙旗未發公宜急促主公主公出則

士氣自倍治長馳歸秀賴既出在櫻門槍旗成列以

候幸村之報適有流言城兵欲叛右府出而反秀賴

疑懼不進橫田實書○幸村登丘而望曰中軍奚不

來吾族有在東者治長其疑我乎吾意已決矣督衆

而進縱橫血戰終死之御宿正倫有手批幸村營戰

已酣笑曰何地非死所率部下等赴之野本右近死

之明石守重自船場赴約途遇小野勝成奮戰而死

○東將前田利光與大野治房戰岡山不克東軍頗

沮城兵衆勢而進藤堂高虎并伊直孝來救短兵接

僵相枕時城中遽撤馬標衆以為有反者後軍潰

走由是諸軍大敗東兵衆勝奮擊斬首一萬五千級

郡民列津川親冬執章旗馳至曰臣等不死城外者

耻棄章旗也今謹還之臣事畢矣遂伏劍而死會厨

人大隅某放火於厨東兵登壁亦縱火煙燄蔽空秀

賴避火天主閣渡君及夫人德川氏從焉治長送歸
夫人於東軍時猛炎四逼秀賴母子徙於糶倉○家
康遣井伊直孝安藤重信圍糶倉又遣本多忠純謂
秀賴曰卿罪雖大枉從寬典寘之高野給給渡氏以萬
石秀賴猶豫不決直孝謂重信曰勢至於此不如除
之放銃於倉中以示絕速水時之呼曰事不諧矣秀
賴母子自殺落穗集治長以下二十五人皆殉焉時
秀賴年二十三渡君年三十九天正十二年秀吉
移治於此三十七年而豐臣氏亡是家康還京師

其翌秀忠旋師於伏見

御年譜
德川記

○六月家康秀忠與

公卿諸侯觀樂於二條城喪亂之餘伶人離散典章

廢缺至是寢復其舊○家康封松平忠明於大阪忠

明與平信昌子而家康外孫也○秋七月詔停豐國

廟號削其祀典徙塑像於方廣寺○秀忠還江戶○

關白信尚罷以前關白昭實任之補任家康與昭實議

撰廷式十七條及武貳式十三條東遷基業
政事記○八月

家康還駿府○冬十二月以酒井忠世為老中與本

多正信土井利勝安藤重信執天下諸政○二年春

三月詔以家康為大政大臣就駿府拜焉御年譜○

夏四月大政大臣家康薨年七十五葬於久能山德川

○五月以青山忠俊內藤清成酒井忠利為老中記

○六月老中本多正信卒○秀忠以駿府賜德川賴

宣○秋七月叔松平忠輝封放之於朝熊○八月禁

耶蘇教○三年春二月秀忠建家康廟於日光以改

葬焉詔賜號東照大權現公卿補任○夏六月秀忠

入朝謝恩楚齊日記○秋七月老中內藤清成卒○

八月上皇崩壽四十七謚後祖成○朝鮮來聘秀忠

於伏見接之○九月秀忠還江戶○以并上正就

為老中○是歲秀忠令蠲京師地稅地稅○四年春閏

三月京師火○冬十一月內大臣藤原實益薨以權

大納言藤原兼勝代之○五年春二月魚勝罷權大

納言藤原定熙為內大臣○夏五月秀忠入朝○放

福島正則於信濃初正則負功驕橫大阪之役陰通

謀城中而擅築城郭殺戮無辜故及○六月明浙江

直總兵官王某使單鳳翔齎書來請杜兩國之奸商

秀忠作復書與之通書引○秋七月關白昭實薨○

○

八月焚殺耶蘇宗徒五十七人於六條磧孝亮記○九

月忠榮復為關白○秀忠徙封松平忠明於郡山淺

野長晟於廣島德川賴宣於和歌山藩翰譜○藤原肅

平肅字斂夫播磨人彌惺窩究心程朱之學有所發

明元弘中僧玄慧始講宋學而世未深信之也至肅

程朱之學大行人皆以肅為宋學之祖先哲叢談○冬十

月所司代板倉勝重致仕子重宗為所司代初勝重

以年老辭職秀忠問曰孰代之者勝重曰必欲使臣

薦之賤息重宗可也秀忠乃召重宗命之重宗固辭

不拜安藤直次素與重宗善一日過重宗重宗曰將

軍命僕代父君聞之乎曰然吾已知子之不勝任也

顧子非無才但失之怯耳重宗大駭曰父薦之君命

之子乃逡巡非怯而何也夫為人臣者一旦就職萬

一有過則剗腹以謝焉耳重宗悟乃起受命野史纂畧○

十二月內大臣定熙罷以權大納言藤原兼遐任之

補○是歲始置大阪城代城番以內藤信正松平勝

政為之○六年春正月以源家光叙正三位任權大

納言家光秀忠之子也○二月准后新上東門院崩

補○夏四月秀忠命酒井忠勝輔家光初酒井忠世
土井利勝青山忠俊並輔家光忠世每侍坐正色寡
言風采凜然一日見描金藥籠之華麗者問之家光
曰堀田正盛所獻也忠世怒曰崇儉戒奢太公之遺
訓正盛之無狀何至於此直取而碎之家光適有過
舉忠俊諫之弗聽脫腰刀袒而前曰不用臣言則請
斬臣首二人退利勝執觴捧之曰請嚙一杯二臣在
坐世子何以為歡家光色解利勝曰忠俊之言誠是
也請用之否則忠世亦將入諫矣家光乃從之至是

秀忠命利勝擇輔臣利勝薦忠勝故有是命纂○六

月以將軍秀忠女和子為女御補亮任孝○秋八月以

前內大臣實益為右大臣○是歲毀伏見城譜本○

七年春正月實益罷以前內大臣定熙為右大臣補

傳家○白馬節盜竊內藏寮布毯考亮○定熙辭右大

臣以內大臣兼選為之權大納言藤原康道為內大

臣補○秋八月暹羅來聘先是伊勢人山田長政航

海至暹羅遇其國亂累建戰功遂被拔擢管領國事

因說國主通聘野史○冬十一月二品親王式部

卿伏見邦房薨子親王兵部卿貞清嗣親王系嗣○是歲

秀忠徙有馬豐氏於築後久留米○八年春二月秀

忠定錢價以四千錢直金一兩犯者當罰金元說和○

夏五月修江戸城○秋八月流本多正純於出羽正

純執柄權二十餘年恃勢驕傲家康嘗以步卒百人

屬正純正純擅修城池令步卒助役步卒不聽正純

大怒一日斬百人同坎瘞之人皆惡其專橫謗言沸

騰遂至失國元說和○冬十一月江戸城成年○九年

春正月行密法於紫宸殿此典久廢至是復焉年中行事

○夏六月大將軍秀忠入朝○秋七月權大納言家

光亦入朝秀忠辭職詔以家光補大將軍叙內大臣

○八月家光歸江戸○忠榮罷以左大臣信尋為關

白○冬十月家光召諸侯於江戸城諭之曰我祖始

開洪業撫綏天下皆賴卿等之力及父繼業待以賓

客之禮至於我身坐而統領四海有與先王控御之

制不同者自今更以君臣之義遇卿等卿等宜就國

三年以決當否也乃入內廳便坐延衆各賜佩刀曰

欲驗利鈍必以我身諸侯悚息受命而退武林隱家手

錄○流松平忠直於豐後忠直秀康之子元忠之後

以先登之功進參議忠直猶憤其賞輕放縱荒淫戡

近臣剗孕婦於是配置焉徙其子光長於高田以越

前賜松平忠昌松平譜○十二月以阿部正次內藤清

次為老中藩翰譜○寬永元年春二月踏歌盛行彌伊

勢舞流傳諸州百姓皆廢業命禁之纂○伊斯把彌

亞人來聘請互市家光聞其倡耶蘇教卻之通書引

○夏六月白蝶數萬集伏見稻荷祠飛至五條橋上

而散孝亮記○秋八月秀忠增封德川忠長以駿河遠

江治於駿府續覽○冬十月朝鮮八貢其國記○十一

月立女御德川氏為中宮補任自後村上朝歷世后妃

之號不正至是正焉十三朝紀聞○是歲家光創寬永寺

於忍岡號東叡山天海為主僧又築島於不忍池中

以擬竹生舊章錄○二年冬十二月以井伊直孝為

大老○是歲長崎商人津田亦一歸自暹羅慶長中

亦一至暹羅會其國與哥亞戰敗國主請亦一援之

亦一與山田長政率我民在其日本港者七百人擊

哥亞破之國主大悅以女妻亦一至是挈妻而歸紀聞

○三年春正月左大臣定好嚴以右大臣房轉代之

○三月以青山幸成為老中○夏大旱京師并池涸

河魚皆死草木萎枯寬明○六月秀忠入朝○秋八

月家光亦入朝○詔以秀忠為太政大臣家光為左

大臣兼左近衛大將德川義直賴直為權大納言賴

房為權中納言皆秀忠弟也前田利常伊達政宗嶋

津家久為權中納言其他任叙有差補任○九月天

皇幸於二條城中和門院中宮定室妃嬪百官從焉

秀忠家光奉迎來興警衛嚴肅供具豐備留蹕數日

而還御○家光還江戸冬十月秀忠亦歸○十一月

以皇子高仁為親王年代○十二月以皇從弟智仁

為親王親王○是歲家光始置二條城在番○老中

阿部正次為大坂城代○四年春正月蒲生忠卿卒

無嗣國除徙封弟忠知於伊豫松山○夏五月安南

上書乞互市通書引○紅毛上書書辭無禮家光令

松浦隆信却之外藩○冬十一月老中酒井忠利率

○富士山火江戸雨灰結○是歲明人陳明德歸

化明德浙江金華府人崙陽○五年夏四月秀忠家

光

光詣日光廟○六月二品親王高仁薨親王帝第

子也紹運錄○是歲森川重俊永井尚政為老中○六

年春正月水無又兵衛帥其徒十餘人鈔掠松山城

主蒲生忠知擊平之斬又兵衛表年○夏四月一品親

王式部卿智仁薨親王正親町皇子誠仁之子也錄

○秋七月信尋罷以右大臣兼為關白○先是家

光聞築紫多耶穌之徒命竹中重治松倉重政索捕

之其悔過者蹈耶穌像不悛者悉殺之於是畫耶穌

像令築紫人蹈之後以為例纂○暹羅來聘駁府記○

立皇女興子為內親王初帝欲讓位於皇女傳言家

光家光對曰遷都以來久不立女主而今立之世或

曰外戚專威之所為也帝不納史○天皇遜位於內

親王關白無遐攝政在位十八年改元者二曰元和

曰寬永帝善國詩又好插花技最信佛教避位之後

每使僧文守如周天圭等說禪律於御前紀先是後

醍醐帝留心典故著年中行事帝亦撰當時年中行

事親書三部而一藏禁內一贈新院留其稿置之法

皇宮蓋簪錄內親王立是為明正天皇